



**Sud Bosne i Hercegovine
Суд Босне и Херцеговине**

**Broj: S1 3 Iž 038357 20 Iž
Sarajevo, 29.10.2020. godine**

Sud Bosne i Hercegovine, u drugostepenom vijeću sastavljenom od sudija Zvezadane Antonović, predsjednika vijeća, Srete Crnjaka i Vesne Trifunović, članova vijeća, odlučujući o žalbi Nikole Aleksića, Bulevar Oslobođenja 58, 21000 Novi sad, R Srbija, koji osporava odluku Centralne izborne komisije BiH broj 05-1-07-1-998/20 od 01.10.2020. godine o odbijanju upisa u izvod iz Centralnog biračkog spiska za glasnje izvan BiH za Lokalne izbore 2020. godine, u nejavnoj sjednici, održanoj dana 29.10.2020. godine, donio je

R J E Š E N J E

Žalba se odbija.

O b r a z l o Ź e n j e

Centralna izborna komisija Bosne i Hercegovine je Odlukom broj i datum navedeni u uvodu odbila upis u izvod iz Centralnog biračkog spiska za glasnja izvan BiH za Lokalne izbore 2020. godine, za ukupno 27.960 birača po podnesenim prijavama do 01.09.20.20.godine jer nisu ispunjeni uslovi propisani članom 3.15. stav 1, 2 i 3 Izbornog zakona BiH.

Navedenom odlukom odbijena je prijava Aleksić Nikole koji je blagovremeno izjavio žalbu u kojoj ističe da je dostavio popunjen obrazac Prijave za upis birača u CBS za glasanje van BiH u kojem je naveo adresu u R Srbiji na kojoj traži da mu se dostavi glasački listić. Smatra da je dostavio svu neophodnu dokumentaciju pa nalazi nezakonitom odluku CIK-a iz koje je vidljivo da se imenovani ne nalazi na Izvodu Centralnog biračkog spiska za glasanje izvan BiH.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbije kao neosnovana jer je uvidom u službene evidencije utvrdila da je uz prijavu za glasanje izvan BiH dostavljenu na ime žalitelja Aleksić Nikole, dostavljena falsifikovana lična karta sa

matičnim brojem Vučinić Bojana, koji je prijavio da je izgubio ličnu kartu, iz kojih razloga je CIK-a BiH prijavu za glasanje dostavljenu na ime Aleksić Nikole odbila.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Iz predmeta spisa utvrđeno je da je žalitelj na propisanom obrascu, elektronskim putem, podnio prijavu za glasanje izvan BiH u kojoj je naveo da privremeno boravi van BiH i zahtjeva dostavu glasačkog materijala na adresu Bulevar Oslobođenja 58, 21000 Novi sad, R Srbija. Uz prijavu žalitelj je dostavio kopiju lične karte BiH.

Kako je nakon izvršene provjere u MUP-u Republike Srpske, Šekovići, Centralna izborna komisija BiH utvrdila da dostavljena lična karta na ime žalitelja Aleksić Nikole, sadrži matični broj Vučinić Bojana, koji je navedenu ličnu kartu prijavio kao izgublenu, o čemu postoji dokaz u spisu, to je pravilna odluka CIK-a BiH kojom je utvrđeno da se radi o falsifikovanoj ličnoj ispravi, slijedom čega je prijava žalitelja osnovano odbijena.

Dakle, suprotno navodima žalbe, i prema zaključku ovog vijeća, pravilna je i zakonita odluka Centralne izborne komisije BiH kojom je odbijena prijava Aleksić Nikole za upis u izvod iz Centralnog biračkog spisa za glasanje izvan Bosne i Hercegovine jer imenovani uz prijavu nije dostavio važeći, već falsifikovani identifikacioni dokument. Time nisu ispunjeni uslovi propisani članom 3.15. stav 1 Izbornog zakona (Sl. glasnik BiH br.23/01 sa izmjenama) da se državljanin Bosne i Hercegovine koji privremeno živi u inostranstvu, nađe na izvodu Centralnog biračkog spiska za glasanje van zemlje.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita, a žalba neosnovana pa je istu, primjenom odredbe člana 81 stav 1 Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

**PREDSJEDNIK VIJEĆA
SUDIJA**

Zvezdana Antonović